

Referendum d'Autodeterminacion de Catalonha 2017

Manuau d'instruccions entàs Representants dera Administracion e entàs Membres des Burèus de vòte

Validat pera Sindicatura Electorau de Catalonha

DERA ADMINISTRACION

Nomentadi pera
Administracion
Electorau deth
Govèrn dera
Generalitat, s'an
d'acreditar deuant eth/
es burèu/s que les
correspone/n per mejan
dera carta
d'identificacion
corresponenta e eth
document d'identitat.

Eth propdan dia 1 d'octobre de 2017 aurà lòc eth Referendum d'Autodeterminacion de Catalonha.

Auetz arrecebut aguest Manuau pr'amor qu'auetz estat nomentat/da Representant dera Administracion o auetz estat escuelhut coma membre titular o suplent d'un burèu de vòte pendent era jornada de votacion.

REPRESENTANTS DERA ADMINISTRACION

Era sua principau mission ei dar sosten ath/es burèu/s deth collègi electorau en tot moment, confirmar era constitucion d'eth/s burèu/s, comunicar eth volum de participacion e es resultats provisòris deth burèu ath Centre de Recuelhuda de Donades (CRD).

Activitats a desvolopar pendent era jornada:

- 07 h 30 : Presentar-se en collègi electorau entà dar sosten ara constitucion deth/des burèu/s electoraus, e informar-ne ath CRD.
- 13.00 e 18.00 h.: Sollicitar e comunicar ath CRD eth nombre de votants enquiath moment
 - Ara fin der escrutinh de cada burèu de vòte: comunicar ath CRD es resultats dera votacion.
- Finalizadi es escrutinhs en collègi:
 arrecéber deth president/a de cada burèu de vote
 era envolòpa damb era documentacion electorau, e
 liurar-la ath CEM.

MEMBRES DES BURÈUS DE VÔTE

Èster membre d'un burèu de vòte (MME) ei un déuer civic ineluctable. Sense era participacion e er esfòrç de quasi 55.000 persones (entre membres titulars e suplents) que hèn part des mès de 6.300 burèus de vòte non serie possible amiar a tèrme aguest referendum.

Es MME son elegidi pera Administracion Electorau deth Govèrn dera Generalitat de Catalonha, per mejan d'un tiratge ath sòrt public, entre es persones inscrites en recensament electorau deth burèu corresponent que siguen menors de setanta ans.

Eth burèu de vote deu compdar en tot moment, aumens, damb era preséncia de dus des sòns membres. Es burèus de vòte hèn partida dera Administracion electorau e an ua mission fòrça importanta: arrecuélher es vòtes des electors ena jornada electorau e hèrne eth recompde un viatge acabada era votacion.

MEMBRES DES BURÈUS DE VÔTE

Cada burèu electorau ei format per un/a president/a e dus membres. S'elegissen, ath delà, dus suplents entà cada un des cargues. Toti eri se deuen presentar tàs 8.00 h eth dia des eleccions en locau e en burèu assignat.

Es **cargues** de president, membre e suplent son **obligatòris.**

Es persones qu'efectivaments agisquen coma membres des burèus de vòte an dret a:

- Un permís retribuït pendent eth dia dera votacion, s'ei obrant, e en cas que se tracte de persones que trabalhen per compde d'autrú e personau foncionari ua reduccion de cinc ores dera jornada de trabalh londeman des eleccions.
- Era proteccion deth sistèma dera Seguretat Sociau deuant es contingéncies e situacions que poguen derivar-se dera participacion enes eleccions.

INTERVENTORS/APODERADI

Es interventors/apoderadi **assistissen** es burèus de vòte en exercici des foncions qu'an encomanades e participen enes deliberacions damb votz mès sense vòte.



Se reünissen eth president/a, es membres e es suplents en locau indicat en sòn nomentament.

Eth burèu electorau se deu constituïr, necessàriaments, damb un president/a

e dus membres.

1. Reunion en locau electorau tàs 8.00 h

Tàs 8.00 h deth dia dera votacion, eth president/a, es dus membres e es suplents respectius se deuen reünir en locau corresponent a cada burèu de vòte entà constituïr eth burèu electorau.

S'eth president/a non se presente, deu èster substituït en tot seguir er orde següent:

- peth sòn prumèr suplent,
- s'eth prumèr suplent non i é, peth dusau suplent;
 a se non i a cap suplent, agís coma president/a
 eth prumèr membre, e
- s'eth prumèr membre non i é, eth dusau membre
- S'es membres non s'an presentat en collègi electorau o ben prenen possession coma president/a:
- Seran substituïdi pes suplents respectius

2. Verificacion deth materiau electorau e des condicions deth locau

Es membres deth burèu, un còp constituït, deuen verificar que dispòsen de toti es elements materiaus de besonh entath bon foncionament deth procès electorau. Cada burèu electorau deu disposar aumens de:

- Ua urna per burèu electorau
- Envolòpes e bulletins de vote
- Lista deth recensament electorau
- Modèls oficiaus d'actes:
 - Acte de constitucion deth burèu de vôte.
 - Acte de sesilha e escrutinh.
- Lista numerotada de votants.
- Certificats justificatius de non auer pogut votar.
- Un jòc d'ua envolòpa e eth recebut de liurason corresponent deth materiau electorau.

CONDICIONS DETH LOCAU ELECTORAU

I a d'auer taules e cagires sufisentes entàs membres deth burèu electorau, illuminacion adequada, materiau d'escriptòri e panèus de senhalizacion.

Es seccions e es burèus de vòte an d'èster degudaments senhalizades e es accèssi deuen èster adaptadi a persones damb limitacions de mobilitat.

3. Recepcion des cartes d'identificacions des interventors/apoderadi

Es cartes
d'identificacions son es
documents a on
s'arrecuelh eth
nomentament d'ua
determinada persona
coma interventor/
apoderada d'ua
formacion.

Eth president/a
solaments deu
perméter que prenen
possession dus
interventors/
apoderadi per
formacion, pera quau
causa cau numerotar
es cartes
d'identificacions a
mesura que se
presenten.

Pòden portar emblèmes o pegasolets damb eth nòm e es sigles dera formacion que representen, solaments damb era finalitat d'identificar-se coma interventors/ apoderadi, sense qu'açò constituïsque propaganda electorau.

Entre es 8.00 h e es 8 h 30 eth burèu de vòte arrecep es nomentaments (cartes d'identificacion) que presenten es interventors/apoderadi designadi pes diuèrses formacions. Deuant era sua preséncia:

- Se deuen numerotar a mesura qu'es interventors se presenten, entà auer constància der orde de presentacion.
- Se deu comunicar as interventors/apoderadi qu'eth burèu les arreconeish eth sòn cargue.
- Se deu includir es nòms des interventors/apoderadi en acte de constitucion deth burèu de vòte, en apartat corresponent.
- Cau retornar-les es nomentaments (cartes d'identificacion) levat que non liuren era còpia. En aguest cas, cau sauvar-les entà poder ahíger-les en expedient electorau e s'an d'includir ena envolòpa ara fin dera jornada electorau.

Solaments pòden agir deuant eth burèu un maximum de dus interventors/apoderadi per formacion. Se se'n presenten mès de dus d'ua madeisha formacion, cau dar possession deth cargue ad aqueri qu'agen presentat es cartes d'identificacion prumèr.

INTERVENTORS/APODERADI

- Exercissen era sua foncion solaments deuant eth burèu de vòte en que son acreditadi.
- Poden formular reclamacions e protèstes e demanar certificacions.
- Poden dar assisténcia ath burèu e participar enes deliberacions damb votz mès sense vòte.
- En cada moment solaments pòt agir un interventor/a per candidatura.
 - Voten en burèu de vôte que les correspone segons eth recensament, sigue aguest eth burèu a on son acreditadi o non.

4. Acte de constitucion deth burèu electorau

Tàs 8 h 30, e un viatge realizades es operacions anteriores, se redigís er acte de constitucion deth burèu. Cau hèr açò:

Emplir er acte

Eth president/a deu emplir eth formulari, que s'includís ena documentacion deth burèu vòte.

Signar er acte

Eth president/a, es dus membres e es interventors des candidatures qu'an liurat era sua carta d'identificacion deuen signar er acte.

• Lliurar còpies der acte

Eth president/a pòt liurar ua còpia der acte ath interventor/apoderat qu'ac sollicite; mès solaments ua còpia per cada formacion.

REFERÈN	DUM D'AUTODETERMIN	IACIÓ DE CATALL	INYA 201	7
	DUM DE AUTODETERMI			
ACTADEC	ONSTITUCIÓ DE LA MESA / AC	TA DE CONSTITUCIÓN	I DE LAMES	IA.
Promeorboli eledoral	Marida (Musicipo	Districts carried	Section	Mean
lituracripoliti electoral		Six Pillo cercent	Secato	Man
ndiceda, formeda pela r	a lee wit home deld	фиси	constitut da la l	dean electoral
_				
lit	, siendo ins ocho horar dei die de cor los siguiertes miembros:	. da	, se const	iye in lifetin
	,,,,,,,,,,,,,,,,,,,,,,,,,,,,,,,,,,,,,,,			
PRESIDENTIA: Sr.Gra.				
VOCAL 1: Sr.Sra.				
VOCAL SICSILSIVA.				
POCK 7:3658				
d orgal, i després d'hav	e-en presentat els interventors designats, n	nosten is sess credendal i pre	men pozeració ó	dis once
Areca Dispositioning y	permata la introduce delparte, e			
Non in	sanana (Nambe y spelifica		un representen f	
		Formación a	in que represent a	
N Jim.				
V.Co.				
1.00 m.				
1.7a				
t dia.				
1/in				
t //m				
1/in				
104				_
174				_
100				_
1/04				
100				
100				-
104				_
1/24		_		_
1/In		_		_
1/24				_
1/24		_		_
100		_		_
1/20		_		_
100		_		_
100		_		_
100				-
104		_		_
104		_		_
104		_		_

Modèl d'acte de constitucion deth burèu de vòte



Tàs 8 h 30 h se redigís er acte de constitucion deth burèu de vòte, que deuen signar eth president/a, es membres e es interventors designadi pes formacions. S'eth president/a refusa o demore era liurason dera còpia der acte de Constitucion a qui a dret a reclamar-la, cau redigir per duplicat ua protèsta signada pera persona qu'age formulat era reclamacion.

Un exemplar s'a d'adjúnher ar expedient electorau (que s'includís ena envolòpa) e un aute l'a d'enviar era persona qu'age formulat era reclamacion ara Sindicatura Electorau competenta entà realizar er escrutinh generau.

1. Dubertura deth collègi electorau e inici dera votacion

Tàs 9.00 h s'inície era votacion e eth president/a ac anóncie damb es paraules «comence era votacion», e contunhe sense interrupcion enquias 20.00 h.

Totun, era votacion se pòt interrómper o suspéner enes casi següenti:

• Interrupcion

Eth president/a a d'interrómper era votacion se s'obsèrve era abséncia de bulletins e non pòt suplir-les per mejan de bulletins provedidi pes interventors des formacions.

En aguest cas, eth president/a deu comunicar per telefòn aguest hèt ara Sindicatura Electorau de demarcacion, era quau deu provedir immediataments eth burèu de naus bulletins.

Era interrupcion non pòt durar mès d'ua ora e era votacion se deu prorogar tant de temps coma s'age interromput.

Era votacion se **prorogarà** dempús des 20.00 h unicaments en cas que s'age produsit ua interrupcion, e pendent eth temps qu'age durat era **interrupcion**. Aguesta decision la deu adoptar eth president/a deth burèu de vote mejançant un escrit argumentat.

Suspension

Era suspension dera votacion se produsís per ua interrupcion superiora a ua ora, o ben per quinsevolhe arrason que hèsque impossible era votacion.

Abans de préner aguesta decision, eth president/a deu demanar era opinion a toti es membres deth burèu de vòte e, s'ei possible, consultà'c per telefòn ara Sindicatura Electorau de demarcacion.

Un viatge prenuda era decision de suspéner era votacion, çò que se deu exprimir en un escrit argumentat, eth president/a deu ordenar era destruccion de toti es bulletins de vòte depausadi enquia aqueth moment ena urna e deu enviar immediataments ua còpia der escrit ara Sindicatura Electorau de demarcacion, ja sigue en man o per corrèu certificat.

2. Debanament dera votacion

Se maugrat era
exibicion de bèth un
d'aguesti documents i a
dobtes sus era
identitat der elector,
eth burèu deu decidir
per majoritat, en tot tier
en compde es
documents aportadi
e eth testimòni que
poguen presentar es
electors presents.

Aguestes
circonstàncies se
deuen anotar enes
actes dera sesilha e
escrutinh corresponent.

Es membres deth burèu electorau deuen velhar entà qu'es electors damb bèra incapacitat poguen exercir eth sòn dret de vòte damb era major autonomia possibla, entad açò deuen hèr es ajustaments rasonables que siguen de besonh.

Identificacion des electors:

- Es electors an d'apropar-se ath burèu de vote un per un.
- Cada elector/a deu díder eth sòn nòm e cognòms ath president/a.
- Es membres e es interventors deuen verificar era identitat der elector/a, que deu presentar un document acreditatiu dera sua identitat:
 - DNI (Non servís eth recebut deth DNI en tramitacion, per çò que non i apareish era fotografia).
 - Permís de menar (damb fotografia)
 - Passapòrt (damb fotografía)

S'accèpte era presentacion d'aguesti documents encara que siguen caducadi, <u>mès cau que siguen es originaus. Non s'admeten fotocòpies.</u>

• Recepcion dera envolòpa de votacion

Er acte de votar a caractèr personau e incessible, pera quau causa un elector/a non pòt èster representat per cap auta persona.

Es electors/se que non sàpien liéger o que, per incapacitat, non poguen escuélher eth bulletin, plaçar-lo laguens dera envolòpa o liurar-lo ath president/a deth burèu de vòte, pòden demanar era ajuda d'ua persona dera sua confidança.

• Introduccion dera envolòpa ena urna

Er elector/a deu liurar dera sua pròpria man ath president/a era envolòpa de votacion barrada.

Eth president/a, en tot mantier era envolòpa en tot moment ara vista deth public, deu díder eth nòm der elector/a en votz nauta e ahíger «vòte», e deu liurar de nau era envolòpa ar elector, que la deu introdusir ena urna.

Anotacion der elector/a ena lista numerotada de votants

Es membres deth burèu de vòte e, s'ei eth cas, es interventors qu'ac desiren an d'anotar en ua lista numerotada eth DNI des votants per orde en quau an emetut eth vòte.

An d'indicar eth numèro damb que figuren inscriti ena lista deth recensament electorau. Er elector/a a dret a examinar s'eth sòn DNI a estat ben anotat ena lista numerotada de votants.

Modèl de lista numerotada de votants



3. Fin dera votacion



Tàs **20.00 h** eth president/a deu anonciar en votz nauta que **«concludís era votacion».**

S'era votacion s'a agut d'interrómper en quinsevolhe moment deth dia, er orari de votacion se deu **prorogar** pendent eth temps qu'age durat era interrupcion. Se dempús d'anonciar-se era fin dera votacion i a electors en locau electorau o en sòn accès qu'encara non an votat, eth president/a deu **perméter que vòten**, mès non deu perméter que vòte arrés mès.

Seguidaments, pòden votar es membres deth burèu de vòte e es interventors, (solament s'ei eth sòn burèu de vòte).

TRESAU FASA: Escrutinh

1. Mecanica der escrutinh

Nombre de envolòpes introdusit en cada urna

Nombre de votants anotats ena lista numerotada de votants

Vòtes valids
=
vòtes a opcions
+
vòtes en blanc

Es membres e es interventors deuen signar es listes numerotades de votants, en marge de cada un dels huelhs e immediataments jos deth darrèr nòm escrit.

Acabada era votacion se deu hèr er escrutinh des vòtes de forma immediata e sense interrupcions. Er escrutinh ei **public** e non se pòt suspéner se non ei per causa de fòrça major.

Eth president/a deth burèu:

- Deu daurir era urna.
- Deu trèir, un per un, es envolòpes dera urna, les a de daurir e deu liéger en votz nauta era opcion votada.
- Deu mostrar cada bulletin de vòte, un còp liejut, as membres e interventors/apoderadi.

Es envolòpes daurides se deuen sauvar entath recompde posterior


En tot examinar es envolòpes e es bulletins de vòte, ath delà des vòtes valids a opcions, se pòden trobar vòtes d'ua auta sòrta, que cau tier en compde: vòtes en blanc e vòte nulli.

Son VÒTES EN BLANC:

- Aqueri emetudi en ua envolòpa sense bulletin de vòte
- Aqueri emetudi en un bulletin de vòte sense cap opcion seleccionada.

Son VÒTES NULLI:

- Agueri emetudi en envolòpes o bulletins diferents deth modèl oficiau.
- Es bulletins de vôte sense envolòpa.
- Es envolòpes que contien mès d'un bulletin de vòte damb es opcions seleccionades en sens opausat (se contien diuèrses bulletins dera madeisha opcion, se compde coma un solet vòte valid per aquera opcion).
- Enes bulletins de vôte enes quaus s'age introdusit quinsevolhe legenda o expression, o s'age produsit quinsevolhe auta alteracion de caractèr volontari o intencionat que hèsque a dobtar sus eth sens deth vôte.



Arrebrembatz que son vòtes
nulli es vòtes emetudi en bulletins
diferents deth modèl oficiau, que
contenguen frases o expressions
ahijudes o quinsevolhe auta alteracion deth bulletin de vòte qu'entraïne
dobtes sus eth sens deth vòte.

Modèl d'acte de sesilha e escrutinh

2. Fin der escrutinh. Acte de sesilha e escrutinh

Ua còpia der acte de sesilha e escrutinh se deu plaçar ena entrada deth locau e, a mès, se'n deu liurar:

Ua còpia de manèra prioritària ath Representant dera Administracion que deu enviar ath CRD era informacion provisòria des resultats des eleccions.

S'es interventors acreditadi des diferentes formacions atau ac solliciten, tanben deuen arrecéber ua còpia der acte.

Eth burèu electorau deu:

- Verificar qu'eth nombre d'envolòpes coïncidisque damb eth de votants anotadi ena lista numerotada de votants.
- Resòlver es reclamacions e protèstes contra er escrutinh. Eth president/a deu preguntar s'i a bèra protèsta contra er escrutinh dera eleccion. Se n'i a se deuen resòlver per majoritat des membres deth burèu (president/a e membres).
- Destruir es bulletins de vôte en preséncia des assistenti.

NON se deuen destruïr es bulletins de vòte següenti:

- En cap cas es bulletins de vote as quaus a estat negada era validitat (vòtes nulli).
- Es bulletins de vôte qu'an estat objècte de bèra reclamacion.

Damb aguesti bulletins de vòte se deu hèr açò:

- Es membres deth burèu de vote les deuen signar.
- Se deuen adjúnher ar acte de sesilha e escrutinh (quan se redigirà, dempús d'auer finalizat er escrutinh).
- S'an d'includir ena envolòpa dera documentacion electorau.

Acte de sesilha e escrutinh

Dempús d'auer anonciat eth resultat dera votacion, se deu redigir er acte dera sesilha e escrutinh en tot emplir eth formulari damb es donades anonciades peth president/a.

Aguest acte a d'èster **signat** peth president/a deth burèu, es dus membres e es interventors acreditadi des diuèrses formacions

3. Acte dera sesilha e escrutinh

Er acte dera sesilha deu èster signat peth president/a deth burèu, es dus membres e es interventors acreditadi des formacions. Finalizat er escrutinh e hèt public eth resultat, cau redigir er acte dera sesilha e escrutinh, en quau se deu indicar detalhadaments:

- Eth nombre d'electors recensadi (es que figuren ana lista deth recensament).
- Eth nombre d'electors deth burèu de vôte qu'an votat.
- Eth nombre de **bulletins** de vòte nulli.
- Eth nombre de vòtes en blanc.
- Eth nombre de vòtes obtengudi per cada opcion.

Se i a **reclamacions e protèstes** formulades sus era votacion e er escrutinh, se deuen indicar en acte de sesilha e escrutinh.

4. Fin dera jornada electorau. Preparacion dera documentacion electorau

Eth burèu de vòte premanís era documentacion electorau que se liurarà ath Representant dera Administracion deuant eth burèu electorau:

ENVOLÒPA DE DOCUMENTACION ELECTORAU

Deu includir es documents següenti:

- Originau der acte de constitucion deth burèu.
- Originau der acte de sesilha e escrutinh.
- Documents as quaus hè allusion er acte dera sesilha e escrutinh.

Concretaments, s'i an d'includir es documents següenti:

- Era lista numerotada de votants,
- Es bulletins nulli o qu'an estat objècte de reclamacion,
- Era lista deth recensament electorau utilizada, e
- Originaus o còpies des cartes d'identificacions des interventors.

Dempús de barrar era envolòpa, eth president, membres e interventors acreditadi deuen signar-la de manèra qu'es signatures crotzen es rebats dez envolòpes.

En acte dera sesilha se deu hèr a constar es incidents qu'agen afectat er orde deth locau electorau, damb indicacion deth nòm e cognòms de qui les a provocadi.

Non s'a d'adméter era preséncia, enes proximitats deth locau, de persones que dificulten o constrenhen eth liure exercici deth dret de vòte.

Es mejans de comunicacion an besonh d'acreditacion deuant eth burèu de vòte entà poder eméter imatges dera votacion. Er enregistrament d'imatges, non deu interferir, en cap cas.

ena votacion.

Eth compliment estricte des normes d'orde public ei essenciau pendent era jornada electorau; eth president/a deth burèu a era responsabilitat d'aguest compliment.

1. Poders deth president/a deth burèu de vòte

- A, laguens deth locau electorau, era autoritat exclusiva entà sauvar er orde e assegurar era libertat des electors.
- Pòt ordenar era actuacion des fòrces e còssi de seguretat entà restablir er orde, empedir er accès o expulsar der interior deth locau es persones que s'i tròben indegudaments.
- Deu evitar quinsevolhe acte de propaganda electorau en acte dera votacion, tant en locau electorau coma en environs d'aguest.

2. Normes d'orde public

Era entrada en locau electorau se deu mantier liura e accessibla entàs persones qu'an dret a entrar-i.

Ne en locau electorau ne enes sòns environs se pòden hèr actes de propaganda electorau.

Solaments an dret a entrar enes locaus electoraus es persones següentes:

- Es electors e es persones que les deuen rénder assisténcia s'ac an de besonh.
- Es interventors.
- Es observadors electoraus internacionaus degudaments acreditadi.
- Agents dera autoritat requeridi peth president/a.
- Es membres des Sindicatures electoraus.
- Es representants dera Administracion.

Non se deu perméter qu'enes accèssi ath locau se formen grops que poguen entravar era entrada en collègi electorau.



Referendum d'Autodeterminacion de Catalonha 2017

Eth sòn ròtle ei clau entath succès deth referendum, tant pera part logistica coma ena garantia dera normalitat dera jornada electorau.

RA

Foncions des RA:

A) Logistica electorau

Cossent damb es indicacions deth respectiu *Coordinador Electo- rau Municipau* [CEM], velhar pera adeqüacion deth collègi electorau assignat, e tanben dera recepcion e de préner suènh deth materiau electorau.

07 h 30 : Presentar-se en collègi electorau entà dar sosten as *Membres des Burèus de vòte* [MME] en procès d'installacion des burèus de vòte.

08:00-08 h 15 : Enviar ath *Centre de Recuelhuda de Donades* [CRD] era *informacion sus era dubertura deth locau* a on s'installe eth collègi electorau.

B) Enviament de donades ath CRD

09:00-09 h 15 : Enviar ath CRD era informacion sus era installacion des burèus de vòte deth collègi electorau assignat. Cau informar tanben des caracteristiques des MME: titulars, suplents o prumèrs electors que hègen coa entà votar.

13:00-13 h 15: Enviar ath CRD era informacion sus eth nombre de votants en cada burèu electorau deth collègi electorau assignat. Cau demanar ath/ara president/a de cada burèu de vòte eth nombre totau d'electors e eth nombre de votants enquias 13 h.

18:00-18 h 15 : Enviar ath CRD era <u>informacion sus eth nombre de</u> <u>votants en cada burèu electorau</u> deth collègi electorau assignat. Cau demanar ath/ara president/a de cada burèu de vòte eth nombre totau d'electors e eth nombre de votants enquias 18h.

A compdar des 20:00 h.: En moment que se dispòse der escrutinh de cada burèu de vòte, enviar ath CRD eth <u>resultat der escrutinh</u>: nombre d'electors deth burèu de vòte; es votants; es vòtes eth blanc; es vòtes nulli e es vòtes a cada opcion. <u>Cau hèr ua fotografia der acte de sesilha e escrutinh damb eth mobil e enviar-la ath CRD.</u>

C) Recepcion e traslat dera envolòpa electorau

Un viatge finalizat er escrutinh, eth/era president/a de cada burèu electorau deth collègi electorau assignat li liurarà ua envolòpa que contierà era documentacion electorau d'aqueth burèu de vòte, e eth RA signarà er recebut de recepcion corresponent. Cau verificar qu'ei signat peth president/a, es membres e es interventors acreditadi. Eth RA signarà un recebut

Un còp arrecebudes totes es envolòpes damb era documentacion electorau des burèus de vòte deth collègi electorau assignat, laguens deth tèrme d'ua ora eth RA se desplaçarà personalaments ara sedença deth CEM a on les liurarà e signarà era liurason. En aguest moment finalizen es sues foncions.

Foncions des MME:

A) Constitucion deth burèu Electorau

Toti es *Membres de Burèu electorau* [MME], siguen eth/era president/a e es dus membres titulars o ben es dus suplents de cada un d'eri se deuen presentar tàs **08:00 h** en collègi electorau assignat.

08:00-08 h 30 : Damb eth sosten deth <u>Representant</u> <u>dera Administracion</u> [RA], inícien era constitucion deth burèu Electorau:

- a) verificar eth locau e eth materiau electorau (urna, envolòpes, bulletins de vòte, lista deth recensament, acte de constitucion, acte de sesilha e escrutinh, lista numerotada de votants, certificats de votacion e envolòpa entara documentacion electorau);
- b) recepcion de cartes d'identificacion des interventors.

08:30-09:00 h: Emplir e signar er acte de constitucion deth Burèu de vòte.

B) Votacion

09:00 h.: Inici dera votacion, que contunharà sense interrupcion enquias **20:00 h** moment en que **concludís era votacion**, maugrat que se i a bèri electors ena coa se permeterà que vòten. **En tot moment eth burèu Electorau deu compdar damb dus des sòns membres.**

Es electors solaments pòden identificar-se damb eth DNI o ben damb eth permís de menar o eth passapòrt (damb fotografia), a condicion que siguen originaus. Non s'admeten fotocòpies.

13:00 e 18:00 h.: Eth RA assignat ath Burèu electorau sollicitarà eth **nombre d'electors** e eth **nombre de votants** en aqueri moments, entà enviar es donades ath **Centre de Recuelhuda de Donades [CRD].**

C) Escrutinh

A compdar des 20:00 h.: Eth/era president/a inície er escrutinh, qu'ei public. Daurís era urna, recompde es envolòpes e ara seguida n'extrè es bulletins de vòte un per un, en tot liéger era opcion mercada. Es vòtes pòden èster vòtes a opcions (damb ua opcion mercada per elector), vòtes en blanc e vòtes nulli. Es vòtes valids son era soma des vòtes a opcions e es vòtes en blanc.

Un còp finalizat er escrutinh, eth/era president/a emplís er acte de sesilha e escrutinh, que <u>deu includir es donades deth nombre d'electors,</u> <u>nombre de votants, vòtes a opcions, vòtes en blanc e vòtes nulli.</u> Tanben includirà quinsevolhe incidéncia pendent era sesilha o protèsta des interventors acreditadi.

Er acte de sesilha e escrutinh, signat peth president/a, es membres e es interventors acreditadi se plaçarà ena entrada deth locau e se liurarà ath RA. Seguidaments se premanirà era envolòpa dera documentacion electorau d'aqueth burèu de vòte (originaus der acte de constitucion; der acte de sesilha e escrutinh; lista numerotada de votants; lista deth recensament electorau; vòtes nulli o objècte de reclamacion e cartes d'identificacion des interventors acreditadi), entà liurà'c ath RA, que signarà eth recebut de recepcion corresponent. En aguest moment es MME finalizen es sues foncions.

Es Membres de
Burèu electorau
[MME] son
es vertadèrs
garants deth
procès
electorau.

Era sua
condicion de
ciutadans
escuelhudi per
tiratge ath sòrt,
garantís era
netetat dera
jornada
de votacion.

MME